


□ 11
2971
58



2971
58

子史鈎沈

子史鈎沈

逸書考

蔡質漢官典儀

甘泉黃奭學

太尉孝文三年置七年省武帝建元二年置
五年復省更名大司馬建武二十七年復置
太尉太平御覽職官部

府開闕王莽初起大司馬後篡漢神器故遂
貶去其闕續漢志補注

司徒本丞相官哀帝改爲大司徒主司徒衆
駟五品府與蒼龍闕對厭于尊者不敢稱府

蔡質漢官典儀

北和十八日建

也續漢志補注太平御覽職官部案續漢志補注引稱字作號

漢興置大將軍驃騎位次丞相車騎衛將軍

左右前後皆金紫位次上卿典京師兵衛屯

警續漢志補注

惠帝改太常為奉常景帝復為太常蓋周官

宗伯也藝文類聚職官部太平御覽職官部

五中郎解其府對太學續漢志補注

左中郎解其府次五官續漢志補注案

例當作次五官府誤

三署郎見光祿勳執板拜見五官左右將執

板不拜於三公諸卿無敬續漢志補注

虎賁中郎將主虎賁千五百人無常員多至

千人案太平御覽引戴鶡冠次右將府又虎

賁舊作虎奔言如虎之奔也王莽以古有勇

士孟賁故名焉續漢志補注後漢書孔融傳

覽職官部

羽林郎百二十八人無常員府次虎賁府續漢

志補注

謁者案續漢志補注出府丞長史陵令案光武紀皆選儀容端正任奉使者後漢書光武紀注續漢志補注

謁者案續漢志補注出府丞長史陵令案光武紀

皆選儀容端正任奉使者後漢書光武紀注續

南宮至北宮中央作大屋複道三道行天子

從中道從官夾左右案太平御覽居處部引作複道三行天子按行

從左右案文選古詩十九首注引南宮北宮相

去七里

宮中諸有劾奏罪左都候執戟戲車縛送付

詔獄在官大小各付所屬以馬被覆見尚書

令尚書僕射尚書皆執板拜見丞郎皆揖續漢

志補注

正月旦百官朝賀光祿勳劉嘉廷尉趙世各

辭不能朝高賜舉奏皆以被病篤困空文武

之位闕上卿之贊既無忠信斷金之用而有

敗禮傷化之尤不謹不敬請廷尉治嘉罪河

南尹治世罪議以世掌廷尉故轉屬他官續漢

志補注

漢書卷九十四

少府符署出見都官從事持板都官從事入

少府見符署持板續漢志補注

侍中常伯選舊儒高德博學淵懿案太平御覽引作博

學洞達仰占俯視切問近對喻旨公卿上殿稱

制參乘佩璽秉劔員本八人陪見舊在尙書

令僕射下尙書上今官出入禁中更在尙書

下司隸校尉見侍中執板揖河南尹亦如之

又侍中舊與中官俱止禁中案唐六典引下有宿直廬在石

渠門外武帝時侍中莽何羅案唐六典引掖

刃謀逆由是侍中出禁外有事乃入畢即出

王莽秉政侍中復入與中官共止案唐六典引作復止

禁中章帝元和中侍中郭舉與後宮通拔佩刀

驚上舉伏誅自是侍中復出外續漢志補注

平御覽職官部

尙書令主贊奏總典紀綱無所不統秩千石

案藝文類聚引銅印墨綬北堂書鈔設官部

故公爲之者朝會不陞奏事增秩二千石故

白佩銅印墨綬

續漢志補注

尚書奏事於明光殿省中畫古烈士重行書

讚初學記職官部

省中皆以胡粉塗壁紫素界之畫古烈士

初學

記居處部

尚書僕射主開封掌授廩給錢穀也

北堂書鈔設官部

部

僕射主封門掌授廩假錢穀凡三公列卿將

大夫五營校尉行復道中遇尚書僕射左右

丞郎御史中丞侍御史皆避車豫相迴避衛

士傳不得迂臺官過後乃得去

續漢志補注

尚書典天下歲盡集課事三公尚書二人典三

公文書吏曹尚書典選舉齋祀屬三公曹靈

帝末梁鴻為選部尚書

續漢志補注

常侍

主常侍黃門御史事世祖改曰史曹

續漢

志補注

二千石曹掌中郎官水火盜賊辭訟罪眚

續漢志補注

民典繕治功作監池苑囿盜賊事

續漢志補注

客天子出獵駕御府曹郎屬之續漢志補注

尚書左右丞典臺事糾繩無所不愆太平御覽職官部

左右丞對揖稱左右君也北堂書鈔設官部

尚書左丞總典臺中綱紀無所不統續漢志補注初

右丞與僕射對掌授廩假錢穀與左丞無所

不統凡宮中漏夜盡鼓鳴則起鐘鳴則息衛

士甲乙徼相傳甲夜畢傳乙夜相傳盡五更

衛士傳言五更未明三刻後雞鳴衛士踵丞

郎趨嚴上臺不畜宮中雞汝南出雞鳴衛士

候朱雀門外專傳雞鳴於宮中續漢志補注

尚書郎初從三署詣臺試初上臺稱守尚書

郎中歲滿稱尚書郎三年稱侍郎案北

初學記職官部引下有凡客曹郎主治羌胡

三十四人選吏能者為之事劇遷二千石或刺史其公遷為縣令秩滿

自占縣去詔書賜錢三萬與三臺祖餞餘官

則否治嚴一月準謁公卿陵廟乃發御史中

丞遇尙書丞郎避車執板住揖丞郎坐車舉
手禮之車過遠乃去尙書言左右丞敢告知
如詔書律令郎見左右丞對揖無敬稱曰左
右君丞郎見尙書執板對揖案此對字當衍後同稱曰
明時見令僕射執板拜朝賀對揖續漢志稱
尙書郎晝夜更直于建禮門內北堂書鈔設
職官部文選沈休文和謝宣城詩注
夜更直北堂書鈔初學記引作夜直五日
省閣下大屏稱曰丹屏尙書郎含雞舌香伏
其下奏事太平御覽居處部

尙書郎入直臺中官供新青縑白綾被或錦

被晝夜更宿帷帳晝通中枕臥旃蓐冬夏隨

時改易太官供食五日一美食後漢書鍾離

書鈔設官部酒食部初學記職官部藝文類

尙書郎直太官供餅餌五熟太平御覽飲食

尙書郎伯使二人女侍史二人皆選端正者

伯使從至止車門還女侍史絜被服案北堂

平御覽引執香爐燒熏從入臺中給使護衣

服也後漢書鍾離意傳注廣韻十一模注北

尚書郎懷香握蘭趨走丹墀太平御覽香部

以丹赤地稱故丹墀廣韻六脂注文選西京賦注魏都賦注廣絕交

論注太平御覽居處部

尚書丞郎見尚書執板對揖稱曰明公案公續漢

志補注引尚書郎見左右丞對揖無敬稱曰

左右君太平御覽禮儀部

尚書令僕射給赤管大筆兩枝北堂書鈔藝文部

尚書令僕丞郎月賜喻糜大墨一枚小墨二

枚北堂書鈔藝文部初學記文部太平御覽文部

楊喬糾羊柔曰柔知丞郎鴈行威儀有序選文

責躬詩注與陳伯之書注

尚書令史皆選蘭臺符節上稱簡精練吏有能為

之續漢志補注

御史中丞遇尚書郎避車執板住揖車過乃

去之北堂書鈔設官部白帖七十四

中丞掌蘭臺北堂書鈔設官部

丞故二千石為之或遷侍御史高第執憲中

司朝會獨坐內掌蘭臺督諸州刺史糾察百

寮出為二千石

續漢志補注

治書侍御史二人治廷尉奏事罪當輕重

書鈔設官部

選御史高第補之

續漢志補注

侍御史秦官周有御史掌郡

案當作邦

國都邑

案

鄙萬民之治

案當作及萬民之治令

以贊豕宰

北堂書鈔設官部

其二入者更直執法省中者皆糾察百官督州郡公法府掾屬高第補之初稱守滿歲拜

真出治劇為刺史二千石平遷補令見中丞

執板揖

續漢志補注

將作位次河南尹光武中元二年省謁者領

之章帝建初二年復置

續漢志補注

門候見校尉執板下拜

續漢志補注

案下

五營司馬見校尉執板不拜

續漢志補注

越騎

校尉掌越騎

續漢志補注

長水

校尉主長水宣曲胡騎

續漢志補注

射聲

校尉掌待詔射聲事

續漢志補注

司隸校尉職在典京師外部諸郡無所不糾封侯外戚三公以下無尊卑入宮開中道稱使者每會後到先去續漢志補注

司隸詣臺延議處九卿上朝賀處公卿下陪案當有位卿上初除謁大將軍三公通謁持板

揖公議朝賀無敬臺召入宮對見尚書持板朝賀揖續漢志補注

延熹中京師游俠有盜發順帝陵賣御物于市市長追捕不得周景以尺一詔召司隸校

尉左雄詣臺對詰雄伏于庭荅對景使虎賁

左駿頓頭血出覆面與二日期賊便擒後漢書周

景傳注

都官主雒陽百官朝會與三府掾同續漢志補注

河南尹出考案與從事同續漢志補注

詔書舊典案續漢志補注引有此四字刺史班宣周行郡

國省察治狀黜陟能否斷治冤獄案後漢書光武紀注

引此四句治狀作政教以六條問事非條所問即不省

一條強宗豪右田宅踰制以強陵弱以眾暴

寡二條二千石不奉詔書遵承典制倍公向私旁詔守利侵漁百姓聚斂為姦三條二千石不恤疑獄風厲殺人怒則任刑喜則淫賞煩擾苛暴剝戮黎元為百姓所疾山崩石裂妖祥訛言四條二千石選署不平苟阿所愛蔽賢寵頑五條二千石子弟恃怙榮勢請託所監六條二千石違公下比阿附豪強通行貨賂割損政令也漢書百官公卿表注續漢志補注諸州刺史初除此諸案此當有脫持板揖不拜續漢

志補注

諸州刺史上郡竝列卿府言敢言之後漢書朱雋傳

立宋皇尚書令臣囂僕射臣鼎尚書臣超臣后儀

乘臣滂臣謨臣詣稽首言伏惟陛下履乾則坤動合陰陽羣臣大小咸以長秋宮未定遵舊依典章表仍聞歷時乃聽令月吉日以宋貴人為皇后應期正位羣生兆庶莫不式舞易稱受茲介祉詩云于祿百福子孫千億萬

方幸甚今吉日以定臣請太傅太尉司徒司空太常條列禮儀正處上羣臣妾無得上壽如故事臣囂臣鼎臣旭臣乘臣滂臣謨臣詣愚闇不達大義誠惶誠恐頓首死罪稽首再拜以聞制曰可維建寧四年七月乙未制詔皇后之尊與帝齊體供奉天地祇承宗廟母臨天下故有莘與殷姜任母周二代之隆蓋有內德長秋宮闕中宮曠位宋貴人秉淑媛之懿體山河之儀威容照耀德冠後庭羣寮

所咨僉曰宜哉卜之蓍龜卦得承乾有司奏儀宜稱紱組以臨兆民今使太尉龔使持節奉璽綬宗正祖爲副立貴人爲皇后其往踐爾位敬宗禮典肅慎中饋無替朕命永終天祿皇后初卽位章德殿太尉使持節奉璽綬天子臨軒百官陪位皇后北面太尉住蓋下東向宗正大長秋西向宗正讀策文畢皇后拜稱臣妾畢住位太尉龔授璽綬中常侍長樂太僕高鄉侯覽長跪受璽綬奏於殿前女

史授婕妤婕妤好長跪受以授昭儀昭儀受長跪以帶皇后皇后伏起拜稱臣妾訖黃門鼓吹三通鳴鼓畢羣臣以次出后卽位大赦天下皇后秩比國王卽位威儀赤紱玉璽續漢志補

正月旦天子幸德陽殿臨軒公卿將大夫百官各陪朝賀蠻貊胡羌朝貢畢見屬郡計吏皆陛觀庭燎宗室諸劉雜會萬人以上立西面位定公納薦太官賜食酒西入東出旣定

上壽計吏中庭北面立太官上食賜羣臣酒

食貢事御史四人執法殿下虎賁羽林弧弓

撮矢案通典引陸戟左右戎頭偏脛啟前向

後左右中郎將住東西案通典引羽林虎賁

將住東北五官將住中央悉坐就賜作九賓

徹樂案安帝紀注引無舍利案安帝紀注引

從西方來戲於庭極乃畢入殿前激水化爲

比目魚跳躍就水作霧案安帝紀注文選西

障日畢化成黃龍長八丈出水游戲於庭案

典引作炫耀日光以兩大絲繩繫兩柱中頭

閒相去數丈兩倡女對舞行於繩上對面道

逢切肩不傾又蹋局出身案藝文類聚太平御覽引作屈身

藏形於中鍾磬竝作樂畢作魚龍曼延小

黃門吹三通案太平御覽引吹上有鼓字謁者引公卿羣

臣以次拜微行出罷卑官在前尊官在後德

陽殿周旋容萬人陛高二丈皆文石作壇激

沼水於殿下案藝文類聚引作洛水畫屋朱梁玉階金

柱刻鏤作宮掖之好案太平御覽引下有奇禽萬巧四字厠以

青翡翠案太平御覽引青上有丹字一柱三

帶韶以赤緹天子正旦節會朝百官于此自

到偃師去宮四十三里望朱雀五闕德陽其

上鬱律與天連後漢書安帝紀注續漢志補注水經注穀木通典禮北堂書鈔樂部兩引藝文類聚居處部太平御覽樂部居處部三引

陰太后崩前有方相及鳳皇車北堂書鈔禮儀部太平御覽禮儀部

十二陵今見在河南尹無敬也續漢志補注案今當作

令在字當衍陵令者太常屬官也

續漢志補注案今當作

四姓侍祠

文選讓吏部封侯表注

宮中苑聚土為山十里九坂種奇樹

案文選古詩十

九首注引宮中

種嘉禾奇樹 育麋鹿麇麕鳥獸百種激上

阿水銅龍吐水銅仙人啣盃受水下注天子

乘輦遊獵苑中

太平御覽居處部

宮北朱雀門至止車門內崇賢門內建禮門

太平御覽居處部

洛陽二十四街街一亭十二城門門一亭

續漢

志補注太平御覽居處部兩引

史鈞沈

逸書考

丁孚漢儀

甘泉黃奭學

丞六百石

續漢志補注

內謂 令秩千石

漢書宣帝紀注

宮藏府令秩千石儀比御府令

續漢志補注

和事 中宮侍郎六人比尚書郎宦者為之給

東門四人比黃門侍郎給事羽林郎一人

比羽林將虎賁官騎下

續漢志補注

太僕太中大夫襄言乘輿綬黃地冒白羽青



綠五采四百首長二丈三尺詔所下王綬
亦五采上下無差諸王綬四采絳地冒白
羽青黃去綠二百六十首長二丈二尺公主
綬如王侯絳地紺縹三采百二十首長丈八
尺二千石綬羽青地桃華縹三采百二十首
長丈八尺黑綬羽青地絳二采八十首長一
丈七尺黃綬一采八十首長丈七尺以為常
式民織綬不如式沒入官犯者為不敬二千
石綬以上禁民無得織以粉組皇太后詔可

王綬如所下

續漢志補注通典職官

齊諸侯
王公儀

太常住蓋下東向讀文

續漢志補注
通典禮

夏勒策文曰維元初六年三月甲子制詔以
大鴻臚勤為司徒曰朕承天序惟稽古建爾
于位為漢輔往率舊職敬敷五教五教在寬
左右朕躬宣力四表保又皇家於戲實惟秉
國之均旁祗厥緒時亮天工可不慎與勤而
索通典
引作其戒之 續漢志補注通典禮

金律文帝所加以正月旦作酒八月成名

酒因合

案通典引作令

諸侯助祭貢金

續漢志補注通典禮

真交趾日南者用犀角二長九寸若毒瑁

一鬱林用象牙一長三尺以上若翠羽各

一十準以當金

後漢書章帝紀注

皇后出乘鸞輅青羽蓋駕駟馬龍旂九旒大

軍妻參乘太僕妻御前鸞旂車皮軒闔戟

陽令奉引亦千乘萬騎車府令設鹵簿駕

公卿五營校尉司隸校尉河南尹妻皆乘其

車帶夫本官綬從其官屬導從皇后置虎

黃羽林騎戎頭黃門鼓吹五帝車女騎夾轂

執法御史在前後亦有金鉦黃鉞五將導桑

十蓋宮手三盆于繭館畢還宮

續漢志補注

永平七年陰太后崩晏駕詔曰柩將發于殿

臺臣百官陪位黃門鼓吹三通鳴鍾鼓天子

舉哀女侍史官三百人皆著素參以白素引

棺挽歌下殿就車黃門宦者引以出宮省太

后魂車鸞路青羽蓋駟馬龍旂九旒前有方

相鳳皇車大將軍妻參乘太僕妻御悉道公

卿百官如天子郊鹵簿後和熹鄧后葬案以
為儀自此皆降損于前事

續漢志補注

孝靈帝葬馬貴人贈步搖赤紵葬

案初學記引作赤綴

無葬

青羽蓋駟馬柩下殿女侍史一百人著

素衣挽歌引木下就車黃門宦者引出宮門

續漢志補注初學記禮部

桓帝祠恭懷皇后祝文曰孝曾孫皇帝志使

百司臣太常撫夙興夜處小心畏忌不墮其

身一不寧敢用絜牲一元大武柔毛剛鬣商

祭明視薌其嘉薦普淖鹹醴豐本明粢醪用
用薦酌事於恭懷皇后尚饗椒辭賜皇帝福
恭懷皇后命工祝承致多福無疆于爾孝孫
曾孫皇帝使爾受祿于天宜稼于田眉壽萬
年介爾景福俾守爾民勿替引之太常再拜
太牢左辨以致皇帝

續漢志補注

劉寶字道真高平人 世說德行篇注 書鈔

司馬乂

司馬乂字叔度封長沙王 世說言語篇注

孫潛

孫潛字齊由太原人 世說言語篇注

許瑛

許瑛字思文義興陽羨人 世說雅量篇注

謝奉

謝奉字弘道會稽山陰人 世說雅量篇注

王徽之

王徽之字子猷 世說雅量篇注

楊朗

朗字世彥弘農人 世說識鑒篇注

蕭輪

蕭輪字祖周樂安人 世說賞譽篇注

裴康

康字仲豫徽之子 世說品藻篇注

李志

志字温祖江夏鍾武人 世說品藻篇注

孫騰

騰字伯海太原人 世說品藻篇注

李陽

陽字景祖高尙人 尙字疑誤武帝時為幽州刺史

世說規箴篇注

張湛

湛字處度尙平人 世說任誕篇注引至東官

嵇喜

嵇喜字公穆歷揚州刺史康兄也阮籍遭喪

往弔之籍能為青白眼見凡俗之士以白眼

對之及喜往籍不哭見其白眼喜不憚而退

康聞之乃齋酒挾琴而造之遂相與善 世說簡傲

篇注

劉許

劉許字文生涿鹿郡人父放魏驃騎將軍許

惠帝時為宗正卿 世說排調篇注

荀隱

晉百官名
荀隱字鳴鶴潁川人

世說排調篇注

庾鴻

庾鴻字伯鸞潁川人

世說排調篇注引晉東宮百官名

任瞻

任瞻字育長樂安人父現少府卿瞻歷謁者

僕射都尉天門太守

世說紕漏篇注

蔡睦

蔡睦字子篤為尚書

文選王仲宣贈蔡子篤詩注

顧祕

交州刺史顧祕字公眞

文選陸士衡贈顧交州公眞詩注

曹武

曹武字道洲

文選陸士衡謝平原內史表注

馮文羆

外兵郎馮文羆

文選陸士衡贈馮文羆還斥邱令詩注

榮劭

榮劭字茂世北平人為清河太守

文選劉越石勸進表注

郭穆

郭穆字景通沒胡中

文選劉越石勸進表注

張俊

俊為太子庶子

文選張士然為吳令謝詢求為諸孫置守冢人表注

八座尚書

尚書令尚書僕射六尚書古為八座尚書

文選任彥升齊竟陵文宣王行狀注白帖尚書令引僕射上無尚書二字八座上無古為二字下無尚書二字

王濟

王濟字武子起家中書郎遷左衛將軍

御覽二百

三十八引晉書百官名臣

石苞

大司馬石苞開通爽悟秉意不羣

御覽二百九引晉武帝

帝太始官名

邵悌

邵悌字元伯陽平人

魏志鍾會傳注引咸熙元年百官名

露車

蜀劉主得賜露車七十乘孫主賜露車三十

乘御覽七百七十五引晉王公百官名

大司馬

司馬兵官也魏氏大司馬大將軍各自為官

在三司上晉以石苞為大司馬次三司下御覽

二百九藝文四十七引作司馬大台兵官也大台二字有誤自魏氏以下又分為另條亦誤

大將軍

世祖以扶風王駿為安東大將軍御覽三百三十九

尚書令

尚書令古之冢宰書鈔五十九

尚書令拜受命皆策命薨則於朝堂發哀古之冢宰以為端右故也御覽二百十初學記十一引尚書令拜則冊命至發哀

尚書僕射

司馬珪三十七為尚書僕射魏晉以來或置

左右或不置藝文四十八御覽二百十一

特進

漢制皆以特進加崇諸侯書鈔五十二

特進薨遣謁者監護軍喪事賜東園祕器五

時朝服各一具衣一襲給青徘徊赤耳車挽
歌四十人方相車建七旒車銘旌車初學記十四

太子太師

太子太師秩與卿同書鈔六十五

太子太傅

太子太傅與卿同班書鈔六十五

少傅

少傅與卿同班書鈔六十五

詹事

太始中立詹事掌官事藝文四十九御覽二百四十五
掌一宮事務書鈔六十五太子詹事自

衛率

晉建置衛率令一人泰始分置左右率一人
領兵各五千人書鈔六十五

六傅

愍懷立東宮乃置六傅省尚書始置詹事丞
文書關由六傅公子聞時號太子六友初學記十
公子聞三字有脫誤宜衍

三梁冠黑介幘

太傅司空司徒著進賢三梁冠黑介幘續漢輿服志注

武冠平上幘

大司馬將軍尉驃騎車騎衛軍諸大將軍開府從公者俱著武冠平上幘續漢輿服志注

班劍

諸公及開府位從公者給虎賁二十人持班

劍焉任彥昇齊竟陵文宣王行狀注 御覽六百八十一 文選王仲寶褚淵碑文

注引諸公給虎賁三十人持劍焉

黃鉞

太尉賈充河間王顒梁王彤司徒王衍汝南王亮太傅楊駿東海王越義陽王望齊王攸琅邪王佃東平荀晞皆假黃鉞御覽六百八

劍履上殿

汝南王亮秦王東吳王晏梁王彤皆劍履上殿入朝不趨文選任彥昇齊竟陵文宣王行狀注

水蒼玉

特進佩水蒼王尚書令僕射中書監令皆佩水蒼玉 藝文六十七

賜絹

品第一者春賜絹百疋秋賜二百疋 藝文八十五

簞褥

太宰何曾遜位賜簞褥一具 藝文六十九 御覽七百八白 帖簞引一具上有各字

介幘

中書監令著介幘 御覽六百八十七

東園祕器

諸公及從公薨者賜東園祕器在外都督者給祕器直錢三十萬安平王薨給東園温明祕器楊駿誅賜五木棺一具載以官路車 御覽五百五十一 書鈔九十二 引安平王字薨給東園温明祕器諸侯及從公薨者賜東園祕器

雲母輦

安平王孚假黃鉞前後羽葆建九旒駕駟馬

御雲母輦 初學記十

太宰安平王孚給雲母輦一乘書鈔一百四
百七十四引又入百八引俱無一乘二字

羽葆幢

安平王孚汝南王亮太傅楊駿義陽王望齊
王問魯王賈充河間王允梁王彤秦王東長
沙王乂皆給羽葆幢御覽三百四十一

車

安平王孚齊王攸梁王彤給青蓋車建九旒
駕四馬太常何曾太傅楊駿梁王彤乘車入

殿依漢田千秋故事光祿魏綰軺車施黑孚

薨葬給徘徊黑耳車一乘諸王及縣主給青

徘徊車花爪蓋孤李降句有誤給雲母陽遂車

一乘犢車二十乘鹿車五十乘御覽七百七
十三書鈔

給青蓋車一百四十一引安平王孚齊王攸梁王彤皆

安平王孚薨給軺車黑耳阜輪犢車各一書鈔

一百四十一

諸侯王及郡縣公侯皆給青徘徊車金華瑤

蓋書鈔同上

方相車

上公薨者給方相車一乘安平王孚薨方相車駕馬御覽五百五十二

挽歌

安平王葬給挽歌六十人諸公及開府給三十人御覽五百五十二

晉故事附

成帝

成帝咸寧元年有司奏上元給賜眾官銀檢

金部見銀一萬五千兩充給

御覽八百十一

尚書事

何劭王戎張華裴楷楊濟和嶠為愍懷太子通省尚書事張華為光祿大夫尚書七條事皆諮而後行惠帝之世太保衛瓘太宰河間王顒太傅東海王越皆錄三省尚書祕書事藝文四十八 御覽二百一引傅暢晉故事

尚書省置吏

賈充為尚書令以目疾表置省事於是遂置

省事吏四人品職章服與諸曹令史同御覽二百

輶車黑耳

尚書令輶車黑耳後戶僕射但後戶無戶耳
中書監令如僕射御覽七百七十三

租賦

凡民丁課田夫五十畝收租四斛絹三匹綿
三斤凡屬諸侯皆減租穀一斗計所減以增
諸侯戶一匹以其絹為諸侯秩又分民租

戶二斛以為侯俸其餘租及舊調絹二戶三
疋綿三斤書為公賦九品相通皆輸入於官
自如舊制初學記二十七

Blank area with vertical lines, likely a table or list.

子史鉤沈

逸書考

荀綽晉百官表注

甘泉黃奭學

封爵

記曰王者之制公侯伯子男凡五等上大夫卿下大夫上士中士下士凡五等周道興隆三聖制法立爵五等封國八百親親建國則周公宅魯康叔啟衛賢賢表德則太公封齊九令既賜用征諸侯魯以周公之故郊祭昊天車服有裕季世陵遲僭施無度强弱相吞

荀綽晉百官表注

一



舊制不復循也禹貢徐州土五色王者取五色土以為社封四方諸侯各割其方色土與之皆苴以白茅皆假銅虎竹使符第五夫為諸侯始受封之各有菜地百里之諸侯以四十里為菜地七十里之諸侯以二十里為菜地五十里諸侯以十里為菜地其後子孫雖有黜地而菜地世世不黜御覽一百九十八案第五二字有誤五等諸公周官金章朱綬朱質四采玄文織百四十首廣尺四寸長一丈六尺朝服進賢

三梁冠官品第二地方七十五里位視三公班次邑三千八百戶國秩絹千八百匹妾六人車前司馬十四人旅賁五十人藝文五十一高祖定天下論功封爵一百三十有三人大侯邑至萬戶小者五六百戶書鈔四十六王者之制公侯伯子男五等書鈔同上周道興隆三聖制法以懿親建國則周公宅魯康叔啟衛書鈔同上封皇子及公族親屬為王所以維翰帝室詩

云大邦維翰初學記十 書鈔七十引至維翰下有者也二字

王古號也夏殷周稱王金璽龜鈕細纁朱綬

五時朝服遠遊冠佩山玄玉藝文四十五引晉百官表 書鈔七十陳補引 御覽一百五十一引晉百官表無細字

王者親建設蕃屏故封皇子也書鈔七十

今制王國戶二萬為小國也書鈔同上

縣侯

縣侯漢官也自縣侯而下通號列侯金章紫

綬 服進賢三梁冠官品第三光武中興論

功封大封臣吳漢鄧禹各四縣賈復朱浮三

縣耿弇等二十九人又縣侯有家丞庶子之

官列侯皆亦如之藝文五十一 書鈔四十六引至金章紫綬

關內侯

時六國未平將帥皆家關中故以為號續漢書百

官志五注

大官品第一

五時朝服進賢三梁冠珮山玄玉官品第一

也書鈔五十一 又五十二引服進賢冠佩山玄玉仙字誤

太尉

太尉古官金章紫綬 書鈔五十一

太尉古官也自上安下曰尉故武官以為號

藝文四十六 御覽二百七

大司馬

周禮云掌邦政者所以平諸侯正天下 書鈔五十一

三等諸公

三等諸公周官也金章朱綬 書鈔四十六

大將軍

將軍漢官金章紫綬 書鈔五十一

驃騎將軍

驃騎將軍漢官也長史司馬各一人金章紫

綬五時朝武冠佩山玄玉光武中興諸將皆

稱大後天子既定武官悉省 藝文四十八

丞相

漢丞相府門無闌不設鈴不警鼓言其深太

濶遠無節限也 續漢書百官志一注

司徒

司徒唐虞官也王者象地立司徒使掌教書
五十二

司徒主吏書鈔同上

司徒掌邦教載育庶物安撫萬民書鈔同上

司空

俸同司徒書鈔五十二

齊王攸為司空行太子太傅事書鈔六十五

太傅

漢太傅置掾屬十人御屬一人令史十二人

置長史與漢異後漢書百官志一注

光祿大夫

光祿大夫銀章青綬五時朝服進賢兩梁冠

佩水蒼玉官品第二俸月三十五斛書鈔五十六

光祿大夫古官也銀章青綬詩云三事大夫

莫不夙夜職掌言議毗亮論道獻可替否贊

揚德化藝文四十九書鈔五十六引脫古

特進

特進官品第二漢志皇后之父率為此官傅咸奏曰公品第一執珪坐侍臣之上特進品第二執皮帛坐侍臣之下今啟特進宜執璧繼公御覽二百四十三引晉書百官志藝文四十七引至率為此官案晉書職官志無此條當是荀綽注無疑

僕射

僕射一人銅印墨綬五時朝服納言幘進賢兩梁冠佩水蒼玉建安以來執金吾榮劭為尚書左僕射僕射之有左右自此始也藝文四十一

八書鈔五十九陳補白帖僕射引建安中以執金吾榮劭至末

僕射一人銅印墨綬五時朝服納言幘進賢

冠佩水蒼玉官品第三俸月四十五石初學記十

一御覽二百十一

尚書令

尚書令唐虞官也銅印墨綬五時朝服納言

幘進賢兩梁冠佩水蒼玉書鈔五十九初學記十一引尚書

梁冠佩水蒼玉令銅印墨綬至納言幘又引尚書令進賢兩

尚書令總攝諸曹出納王命敷奏萬機蓋政

令之所由宣選舉之所由定罪賞之所由正
斯乃文昌天府衆務淵藪內外所折衷遠近
所稟仰書鈔五十九陳補初學記十一引
尚書令是謂文章天府銅印墨綬五時朝服
納言幘進賢兩梁冠佩水蒼玉總攝諸曹出
納王命敷奏萬機書曰龍命汝納言夙夜出
納朕命惟允詩云惟仲山甫王之喉舌蓋謂
此也藝文四十八案文章當作文昌續漢書百官志注引唐虞官也詩云仲山甫王之喉舌蓋謂此也

吏部尚書

吏部尚書一人秩六百石掌選舉齋祠藝文四十一

八書鈔六十引舉作事無齋祠二字

尚書令史

諸曹郎令史與郎並處事宜別掌錄上事立
草書鈔六十

直事令史掌發章表書鈔同上

尚書令史供所司別錄掌判教朝令也書鈔同上

尚書左右丞

左右丞俸三十斛左丞主臺內禁令宗廟祠祀朝儀射制彈案選用署吏稽近道文書給假御覽二百十三

左丞領都令史七人史五人書鈔六十

右丞主臺內庫藏廩舍量物用多少及廩賜民戶租布刑獄兵器稽遠道文書章表奏事

御覽二百十三 書鈔六十引右丞主內庫藏斛量物多少又引晉百官志右丞總領綱紀

直郎尚書

直郎一人受口宣詔書鈔六十

司隸校尉

司隸校尉周官也征和陽石公主巫蠱之獄乃依周置司隸續漢書百官志四注

司隸校尉周官銀章青綬五時朝服佩水蒼玉書鈔六十一

御史大夫

獻帝置御史大夫職如司空不領侍御史續漢書百官志一注

御史中丞

漢以御史中丞為臺主與司隸分督百僚自
皇太子以下無所不糾初不得糾尚書後亦
糾之 書鈔六十二陳補

中丞故事與洛陽令相過則分道而行 白帖
御史

侍御史

侍御史掌殿門以內案防宿衛署在殿中者
皆總攝 書鈔六十二

侍御史周為柱下老聃職掌諸曹共治事糾
察不法監視朝會 書鈔六十三引晉百官志

治書侍御史

惠帝以後無所平治備位而已 續漢書百官
志三注

謁者僕射

謁者僕射一人秦官掌朝覲威儀 書鈔六十
二
舊漢皆用孝廉年五十威容嚴恪能賓者為
之明帝詔曰謁者乃堯之尊官所以試舜賓
于四門四門穆穆者也昔燕太子使荆軻劫

始皇變起兩楹之間其後謁者持匕首刺腋
高祖偃武修文故易之以板續漢書百官志
二注書鈔六
十二引至為之

謁者十人掌捧誥書朝會則儼贊書鈔同上

詔謁者問免卿校以上官監祠請雨及喪葬

弔祭高功者兼臺內禁令書鈔同上

博士祭酒

光武好古學廉考太常差次博士有聰明威
重者為祭酒書鈔六十七

博士祭酒一人掌國子學早朝服進賢兩梁

冠佩水蒼玉秦燔書籍而置博士之官博者

博通於藝事也藝文四十六
書鈔六十七
引博士祭酒掌國子學

太子太傅

唐虞官續漢書百官志四注

少府

少府一人秦官銀章青綬五時朝服進賢兩

梁冠書鈔五十四

太宰長史

太宰長史銅印墨綬朝服進賢兩梁冠品第六俸五十斛

書鈔六十八

太官令

漢制太官令秩千石丞四人秩四百石

續漢書百

官志三注

建光中尚書陳忠以為令史質堪上言太官宜著兩梁尚書孟希奏太官職在鼎俎不列陞位堪欲令比大夫兩梁冠不宜許臣伏惟太官令職在典掌王饗統六清之飲列八珍

之饌正百品之羞納四方之貢所奉尤重用思又勤明詔慎口實之御防有敗之姦增崇其選侍御史主捕案太醫令奉方藥供奉符節令掌幡信金虎故位從大夫車有韜沂沂字疑冠有兩梁所以殊親疎別內外也太官令以供養言之為最親近以職事言之為最煩多令又高選又執法比太醫令科同服等而冠二人殊名實不副又博士秩卑以其傳先王之訓故尊而異之令服大夫之冕由此言

之兩梁冠非必列於陞位也建初中太官令
兩梁冠春秋之義大於復古如堪言合典可
施行克厭帝心卽聽用之續漢書輿服志下注

公車司馬令

公車司馬令一人周官也銅印墨綬絳服一
梁冠品第七月俸二十七斛書鈔五十五

太醫令

太醫令一人周官也銅印墨綬進賢一梁冠
書鈔五十五引晉書百官志

太倉令

太倉令一人銅印墨綬朝服進賢一梁冠品
第七月俸月二十斛品俸與太醫同書鈔五十五

車府令

車府令銅印墨綬朝服進賢一梁冠品第七
月俸月二十斛書鈔五十五

武庫令

武庫令銅印墨綬朝服武冠官品第七月俸
二十斛書鈔五十五引百官志

甘丞 果丞

甘丞掌諸甘肥果丞別在別諸果菜茹續漢書百官志三注引荀綽云

虎賁

虎賁議郎皆父死子代漢制也續漢書百官志二注

御屬

御屬如錄事也後漢書百官志一注

嚴郎

言其嚴厲整銳也續漢書百官志二注

王國侍郎

侍郎朝服武冠贊相威儀通傳教令大國置

四人小國置二人書鈔七十一

刺史

刺史漢官也銅印墨綬朝服進賢兩梁冠書鈔七十二引晉百官志

鐵柱

鐵柱言其厲直不屈撓續漢書輿服志下注

鶡冠

冠插兩鵝鷺鳥之暴疏者也每所攫撮應爪
摧羽天子之武騎故以冠焉續漢書輿服志
下注

朱綬

皇太子朱綬三百二十首續漢書輿服志下
注

奉

漢延平中中二千石奉錢九千米七十二斛
真二千石月錢六千五百米三十六斛比二
千石月錢五千米三十四斛一千石月錢四
千米二十斛六百石月錢三千五百米二十

一斛案一字
疑衍四百石月錢二千五百米十五

斛三百石月錢二千米十二斛二百石月錢

一千米九斛一百石月錢八百米四斛八斗

續漢書百官志五注

董厥 樊建

董厥字龔龔亦義陽人建字元長三國蜀志
董厥傳注
引晉百官表

書鈔五十四引晉書公卿表郭展為太僕
留心養生是以廢馬充丁其後征吳濟事

也疑亦百官表注附識於此

齊世祖十四年晉書公職表注

齊世祖十四年

齊世祖十四年晉書公職表注

齊世祖十四年

齊世祖十四年

齊世祖十四年晉書公職表注

齊世祖十四年晉書公職表注

齊世祖十四年晉書公職表注

